

吳黼堂
評註

陳無擇三因方

上海棋盤街
文瑞樓印行

有中醫藥學會鑒

編號 11-185 $\frac{6}{8}$



三因極一病源論粹方卷之十三

痰飲敘論

人之有痰飲病者。由榮衛不清。氣血敗濁。凝結而成也。內則七情擾亂。藏氣不行。鬱而生涎。涎結為飲。為內所因。外則六淫浸冒。玄府不通。當汗不泄。蓄而為飲。為外所因。或飲食過傷。嗜欲無度。叫呼疲極。運動失宜。津液不行。聚為痰飲。屬不內外因。三因所成。證狀非一。或為喘。或為欬。為嘔。為泄。暈眩。嘈雜。忪悸。煩懣。寒熱。疼痛。腫滿。寧癰。癰閉。痞膈。如瘋。如癲。未有不由痰飲之所致也。

痰飲証論

古方惟分四飲六証。不說三因。不知其因。病源先自。觀夫治飲之法。既用大小青龍桂枝防己五苓承氣。得非外因。參苓苓朮八味參蘇。得非內因。十棗葶藶大小半夏控涎破飲。不內外因。理固明矣。以此

類推。頗得倫要。今叙列諸証。以為治門。原其本因。施用湯藥。學者自宜詳審。所謂四飲者。即懸飲。溢飲。支飲。痰飲也。懸飲者。飲水流在脇下。咳吐引痛。溢飲者。飲水流於四肢。當汗出而汗不出。身體疼痛。支飲者。咳逆倚息。短氣不得卧。其形如腫。痰飲者。其人素盛。今瘦。水走腸間。漉漉有聲。又有留飲者。背寒冷。如手大。或短氣而渴。四肢歷節疼痛。脇下痛引缺盆。咳嗽則轉甚。又有伏飲者。膈滿喘咳吐。嘔發則寒熱。腰背痛。目淚出。其人振振惡寒。身瞤惕。故曰四飲生六証。或云五飲者。即留飲。伏飲。合為一証是也。其脈皆弦。微沉滑。治之之法。懸飲當下治之。溢飲當發其汗。支飲則隨証汗下。痰飲則用溫藥。從小便去之。其間或隨氣上厥。伏留陽經。腸胃使人嘔吐眩暈。背寒。或一臂不隨。其類風狀。不可不知。

痰飲治法

十棗湯 治懸飲咳吐引脇下痛又治支飲咳煩胸中痛至百日一

歲其脉弦者

芫花

炒

甘遂

大戟

炒等分

右為末。棗十枚煎八分。去棗調藥。壯人一錢。瘦人半錢。平旦溫服。不下者。次日更加半錢。下後糜粥自養。若已下。不可再服。

大青龍湯 治溢飲身體疼重汗不出拘急痛

麻黃

七錢去節

桂枝

炙草

各二錢半

石膏

雞子大

杏仁

四十粒去皮尖炒

右剉為散。每服四錢。薑五片。棗二枚煎七分。溫服。一服汗者勿再

服。復服。汗多亡陽。虛逆惡風煩躁。不得眠也。

小青龍湯

治溢支二飲。倚息不得卧。反喘滿者。

麻黃

去節

桂枝

炙草

芍藥

細辛

炮薑

各三錢

五味子

二錢

半夏

三錢



右剉為散每服四錢煎七分。渴者去半夏。加花粉三錢微利去麻黃。加炒莞花。噎者去麻黃。加附子一枚炮。小便不利者去麻黃。加茯苓五錢。喘者去麻黃。加杏仁三錢。欬而上氣肺脹其脉浮。心下有水氣者胸中痛引缺盆。加石膏二錢半。研。

防已桂枝湯 治膈間支飲其人喘滿心下痞堅面色黧黑其脉沉緊得之數十日醫吐下之不愈。

防已

三兩

桂枝

二兩

人參

四兩

石膏

六兩

右剉為散每服四錢煎七分。溫服。虛者即愈。實者三日復發。再復不愈。宜去石膏。加茯苓四兩。芒硝一兩半。微利則愈。

小承氣湯

治支飲胸滿。

厚朴

四兩薑汁炒

大黃

二兩蒸

枳實

一兩炒

右為剉散。每服四錢。煎七分。溫服。不以時加減。

茯苓五味子湯 治支飲手足冷多吐口燥氣從小腹上衝胸咽手

足痺面熱翕然如醉狀因復下流陰股小便難時復眩冒嘔腫

茯苓

兩四

桂心

炙草

各三兩

五味

二兩半

右㕮咀每服四錢煎七分服之衝氣即低反更咳滿者去桂加乾

薑細辛各三兩咳滿止而復渴沖氣更發者以細辛乾薑為熱藥

此法不當逐渴而反止者為支飲也支飲法當胃胃者必嘔嘔者

復內半夏二兩半以去其飲飲去則嘔止其人形腫與痺者加杏

仁二兩半若面赤如醉以胃中熱氣上薰加大黃三兩須詳証加

減

大半夏湯 治膈間有飲卒嘔吐心下痞眩悸

半夏

五兩

茯苓

三兩

加生薑七片煎服為散每服四錢

小半夏湯 治支飲嘔吐不渴

半夏洗七次

加薑十片煎服

葶藶大棗瀉肺湯 治支飲不得倚息

葶藶炒

令黃研細丸如彈子大

刻本方見肺癰門

用水三盞煮棗十枚至一盞去棗入藥煎至七分食後服金匱令

先投小青龍湯三服乃進此藥

五苓散

治疲人臍下有悸者挾痰涎沫而癰眩者飲也

刻本方見傷暑門

茯苓

澤瀉

猪苓

白朮

肉桂

茯苓湯

治心氣不行鬱而生涎胸脇支滿目眩以胸中有痰飲故也

茯苓

四兩

澤瀉

無

桂心

白朮

各三兩

炙甘草

二兩

右每服四錢煎七分服小便利則愈

參苓散

治胸中停痰宿水自吐出痰後心胸間虛氣滿不能食

人參

茯苓

白朮

各三兩

枳實

二兩炒

陳皮

半兩

右為散每服四錢加生薑三片煎服

八味丸 治失志腎虛鬱而生涎短氣喘咳當從小便去之中有茯苓

苓故也方見消渴門

參蘇飲 治痰飲食積胸中胸腕閉悶嘔吐痰涎眩暈嘈雜忪悸咳

逆及痰氣中人停留關節手足躄曳口眼喎邪半身不遂食已即

吐頭疼發熱狀如傷寒

人參 紫蘇 前胡 茯苓 桔梗 半夏 枳壳 陳皮

木香 甘草 嘔者加乾薑當是乾薑腹痛加白芍

右剉散每服四錢加薑七片棗一枚煎七分

破飲丸 治五飲停蓄胸腹結為癥癖支滿胸脇傍攻兩脇搶心疼

痛飲食不下翻胃吐逆九種心痛積年宿食不消久瘧久痢遁尸

症忤癰瀉厥暈心氣不足憂愁思慮女人諸疾但是腹中諸病悉



能治療。久服不傷藏氣。

華撥 丁香 胡椒 縮砂仁 烏梅 青皮 巴豆皮去

木香

蠟稍分各等

右以青皮巴豆用漿水浸一宿。次日漉出同炒。青皮焦去巴豆。將所浸水淹烏梅肉。炊一熟飯時。細研為膏。和諸藥末為丸。菜豈大。每服五七丸。臨卧薑湯下。津液下尤佳。

控涎丹 凡人忽患胸背手脚頸項腰膝隱痛。不可忍。連筋骨牽引

鈎痛。坐卧不寧。時時走易不定。俗醫不曉。謂之走注。使用風藥及針灸。皆無益。又疑是風毒結聚。欲為癰疽。亂以藥貼。亦非也。此乃是痰涎伏在心膈上下。變為此疾。或令頭痛不可忍。或神志昏倦多睡。或飲食無味。痰吐稠粘。夜間喉中如鋸聲。多流涎唾。手脚重腿冷痺。氣脉不通。誤認為癰瘰。亦非也。凡有此疾。但服此藥數服。



其疾如失

甘遂

去心

紫大戟

去皮

白芥子

真者各等分

右為末。糊丸。桐子大。曬乾。食後臨卧。淡薑湯下。五七丸。至十丸。如疾猛。氣實。加丸數。不妨。其效如神。

強中丸

治胃脘虛寒。冷痰留滯。痞塞不通。氣不升降。口苦無味。不

思飲食。

良姜

炮姜

陳皮

青皮

各一兩

半夏

二兩

右為末。生薑自然汁。煮糊為丸。梧子大。每服二十丸。至三十丸。生薑湯下。凡中滿氣痞。服之甚效。

凡例

前証用藥。多出漢方。但古科劑。與今不同。已詳酌改。從今為用。如其校定。備見前說。唯外所因。証候難明。風燥寒凝。暑燥濕滯。皆能閉諸

絡鬱而生涎。不待飲水流入四肢。而致支溢疼痛也。當以理推。無膠軌轍。

吳黼堂曰。論方多宗漢法。此治痰飲之不二法門也。余謂痰飲多喘滿而咳。與慢性之肺癆症相類。陳修園以飲為咳嗽之源頭。識見殊超。蓋欬嗽不已。痰涎壅盛。便屬肺癆。癆字從火。即病久氣血衰。而邪火猖獗之謂也。陳無擇於痰飲之結癖者。製破飲丸。於飲邪牽引筋骨鈎痛。痰唾稠涎。喉聲如鋸者。製控涎丹。方皆特效。有功千古。宜其醫名至今為世推重也。

喘脉証治

夫五藏皆有上氣喘咳。但肺為五藏華蓋。百脈取氣於肺。喘既動氣。故以肺為主病者。右手寸口氣口以前脉陰實者。手太陰經肺實也。肺必脹。上氣喘逆。咽中壅如欲嘔狀。自汗。皆肺實証。若氣口以前脉虛。

者。必咽乾無津。少氣不足以息。此乃肺虛氣乏也。

杏參湯 治上氣喘滿。倚急不能臥。

杏仁

桃仁並麩炒

桑皮米泔浸一宿蜜炙

人參各一兩

右為末。每服二錢。薑三片。棗一枚。煎服。

神秘散 定喘。補心腎。下氣。

阿膠

一兩三分

雞腔腔

一兩一錢

白仙茅

米泔浸三宿。炒各五錢。

團參一分

右剉為散。每服二錢。糯米飲任下。

真應散 治年遠喘急不寧。不得眠臥。百藥無效。

白石英

四兩。通明者。以生絹囊盛。用猪肚一具。以藥入。線縫定。煮熟。取藥出。再換雄猪肚一具。如前法煮。三枝香了。取藥出。

研乾。

右為末。以欸冬花二錢。入藥末二錢。更入桑皮二寸。薑三片。棗一枚。煎七分。通口服。猪肚亦可煮服。但不用醬醋椒薑等調和。



医药大学图书馆版

麥冬湯 治上氣火逆喘急咽喉不利止逆下氣

麥門冬一兩 半夏六錢一字 人參錢一 炙草分一

清肺湯 治上氣脈浮咳逆喉中作水雞聲喘息不通呼吸欲絕

紫苑茸 杏仁去皮 訶子煨各二兩 漢防已一兩

右剉散每服四錢煎七分入雞子清沖服

神秘湯 治上氣不得卧

陳皮 桔梗 紫蘇子 五味子 人參各等分 用水煎服

皺肺丸

貝母 知母 欵冬花 秦艽 阿膠 紫苑茸 百部心去

糯米炒各一兩 杏仁四兩去皮尖

右為末將羊肺一具先以水灌洗看容得水多少即以許水更添些煮杏仁令沸濾過灌入肺中繫定以糯米泔煮搗成膏搜和前



藥末杵數千下。丸桐子大。每服一錢十丸。食前桑皮湯下。

理氣丸 治氣不定動便喘咳。遠行久立。皆不能住。汗出鼻乾。心下

急痛。苦悲傷。卧不安。

杏仁

去皮尖。麩炒研。

桂枝

去皮各一兩。

益智仁

去皮。

炮薑

各二兩。

右為末。蜜丸。桐子大。以鍾乳粉為衣。米湯下三十丸。

黑錫丹

硫黃

黑鉛

各二兩。先鎔黑鉛成汁。入硫黃。在內令燭起。候硫黃化。傾出。入于九重紙上。着地急以蓋蓋。出火毒。

陽起石

木香

沉香

青皮

各五錢。

肉果

茴香

炒。

附子

葫蘆巴

烏藥

破故紙

各一兩。

川椒

錢五。

右為末。酒糊丸。梧子大。每服三十五丸。濃煎人參茯苓生薑大

棗湯下。

刻本方見眩暈門。

白散子

刻本方見中寒門。二藥皆可用。



北京中醫藥大學圖書館藏

附子

滑石

半夏

吳黼堂曰。喘無善症。大抵由氣管支生病。而痰涎干之也。其中有宜用黑錫丹者。喻嘉言雖極誇其效。然病機到此。已屬肝腎衰敗。元氣上奔。至危至急之候也。

肺痿肺癰敘論

肺為五藏華蓋。百脈取氣運動血脈。衛養藏府。灌注皮毛。將理失宜。氣與血亂。皆成肺痿肺癰矣。然五藏皆有痿癰。而獨論此者。以肺屬金。數盡於陽九。位最高。而為五藏長。多致此病。故獨論此。餘如內癰及五痿說。又此病多生喘咳。故列於痰飲喘咳。

肺痿証治

病者寸口脈數而虛。按之澀。身冷內煩。多吐唇燥。小便反難。大便如爛瓜。豚肝狀。欲咳不咳。咳出乾沫。吐中出血。心中溫溫液液。上氣喘。



滿。或燥而渴者。多因發汗。利小便。或嘔吐消渴。數服駛藥。重亡津液。致熱在上焦。故成肺痿。

甘草乾薑湯 治肺痿。多吐涎。小便數。肺中冷。必眩。不渴。不飲。必遺溺。所以然者。上虛不能制下也。

炙草

四兩

炮薑

二兩

右為末。每服四錢。棗三枚。煎七分。

人參甘草湯 治肺痿。咳吐涎沫不止。咽燥而渴。

人參

一兩

炙草

兩半

加薑五片。棗三枚。煎七分。

溫液湯 治肺痿。涎唾多。出血。心中溫溫液液。

炙甘草 為散。每服四錢。

肺癰証治

病者寸口脉數而實。按之滑。欬吐膿血。口中辟辟燥。胸中隱隱痛。口



北京中醫藥大學圖書館藏

乾喘滿咽燥不渴多吐濁沫腥臭時時振寒熱之所過血為凝滯蓄結癰膿吐如米粥故為癰始萌可救膿成則難治

葶藶大棗瀉肺湯 治肺癰胸滿脹一身并面目浮腫鼻塞清涕出

不聞香臭酸辛咳逆上氣喘鳴迫塞

葶藶

炒令黃研細丸彈子大

棗十枚

煮湯合前藥食後服金匱令先進小青龍三服乃進此藥

小青龍湯方見痰飲門

如聖湯

治咳而胸滿振寒脉數滑咽乾不渴時出濁吐腥臭久久

吐膿若粥者為肺癰

桔梗

兩

甘草

二兩炙

煎飲服無時

葦葉湯

治肺癰

米仁

冬瓜子

桃仁

去皮尖等分一兩

右先煎葦葉湯入藥再煎食後服或吐膿血勿怯

